

# MJERE ZA ZAŠTITU PRAVA LGBTI OSOBA KAO DIO GENDER AKCIONIH PLANOVA



Mehanizmi za uspostavljanje ravnopravnosti spolova mogu poslužiti i kao alat u borbi protiv diskriminacije LGBTI osoba. Obzirom da je Zakonom o ravnopravnosti spolova zabranjena diskriminacija na osnovu spola i seksualne orijentacije, gender akcioni planovi moraju sadržavati mjere kojima se osigurava adekvatna zaštita ove marginalizovane skupine kako bi se moglo reći da je gender akcioni plan izrađen u skladu sa Zakonom o ravnopravnosti spolova i Gender akcionim planom BiH.

**Štoga je u Gender akcioni plan Kantona Sarajevo uključeno i nekoliko mjera koje obuhvataju i prava LGBTI osoba, kao što su:**

- Organizovanje tematske sjednice sa ciljem analize stanja i uvida u stanje o prevenciji i zaštiti od nasilja u porodici, uključujući i probleme sa kojima se susreću posebno ranjive grupe
- Uvođenje programa obuke na temu krivičnih djela počinjenih iz mržnje u skladu sa Krivičnim zakonom FBiH u programe stručnog usavršavanja policije i njihovo redovno provođenje
- Izrada i usvojenje standardne operativne procedure za policiju i pravosuđe u slučaju krivičnih djela počinjenih iz mržnje u skladu sa Krivičnim zakonom FBiH  
Izrada vodiča za zdravstvene radnike\_ ce kako na najbolji način da se postupa sa transrodnim i interseksualnim osobama
- Pravno uređenje medicinskih i pravnih postupaka u slučaju interseksualnosti

U periodu od 2017. do 2019. izvršeno je ukupno 60 krivičnih djela počinjenih iz mržnje na osnovu SORI, među kojima 11 slučajeva nasilja u porodici i 15 slučajeva međuvršnjačkog nasilja. Iako su kapaciteti centara za socijalni rad unaprijeđeni, i dalje postoji neadekvatan sistemski odgovor i plan za suzbijanje međuvršnjačkog nasilja i nasilja u porodici nad LGBTI osobama.

Transrodne osobe se suočavaju sa mnoštvom problema. Ukoliko žele izvršiti oznaku spola u ličnim dokumentima, trans osobe moraju da se podvrgnu „potpunoj“ medicinskoj prilagodbi spola, što podrazumijeva brojne operacije koje se mogu obaviti isključivo u inostranstvu jer medicinske ustanove u BiH nemaju obučeno medicinsko osoblje. Troškovi medicinske prilagodbe spola padaju na teret trans osobe, što znači da ih nije moguće refundirati iz obaveznog zdravstvenog osiguranja, što dodatno otežava proces tranzicije.



**BiH još uvijek ne postoje jasne smjernice o postupanju u različitim slučajevima interseksualnosti, a veliki broj medicinskih stručnjaka zauzeo je jasan stav da je neophodno odložiti bilo kakve estetske medicinske zahvate do momenta kada dijete može dati svoju informiranu saglasnost.**

